

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0060266 24
Zenica, 14.02.2025. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačka i), člana 241. stav 1. ZKP-a F BiH, p o d i ž e m

O P T U Ź N I C U

Protiv:

M. N., neosuđivan,

Što je:

dana 07.09.2024. godine oko 11,05 sati, na području općine T., upravljajući teretnim motornim vozilom marke „VW“, reg. oznaka ..., krećući se sa asfaltne površine ispred firme „M.“ d.o.o. u mjestu J. u ulici H., preduzeo radnju uključivanja na magistralni put M-4 D.- T., svjestan da radnju uključivanja smije otpočeti samo ako se prethodno uvjerio da to može učiniti bez opasnosti za druge učesnike u saobraćaju ili imovinu, vodeći pri tom računa o položaju vozila i pravcu i brzini kretanja i da zbog toga može nastupiti zabranjena posljedica, ali je olako držao da ona neće nastupiti ili da će je moći spriječiti, pa postupajući suprotno odredbama člana 36. stav 2. Zakona o osnovama bezbjednosti saobraćaja na putevima BiH, vozeći tako, lijevom stranom vozila kojim je upravljao ostvario kontakt sa prednjom stranom motocikla marke „H.“ reg. oznaka ..., kojim je upravljao T. Ž. koji se kretao svojom desnom saobraćajnom trakom magistralnim putem M-4 iz smjera D. prema T. i tom prilikom vozaču motocikla oduzeo prvenstvo prolaza, te time tako ugrozio bezbjednost javnog prometa, uslijed čega je nakon kontakta vozač motocikla T. Ž. preletio preko tmv marke „VW“ i pao na asfalt, te zadobio teške tjelesne ozljede u vidu preloma lateralnog-vanjskog gležnja lijevog skočnog zgloba, iščašenje lijevog skočnog zgloba,

dakle, kao učesnik u prometu na putevima koji se ne pridržava prometnih propisa, time tako ugrozila javni promet, da je doveo u opasnost živote ljudi, pa je zbog toga prouzrokovao teške tjelesne ozljede jedne osobe,

čime bi učinio krivično djelo Teška krivična djela protiv sigurnosti javnog prometa iz člana 336. stav 3. u vezi člana 332. stav 3. u vezi sa stavom 1. KZ F BiH.